



# Çështje në lidhje me syfyrit

الحمد لله و صلى الله و سلم على نبينا محمد. أما بعد

## ■ MIRËSIA E NGRËNJES SË SYFYRIT

Ngrënja e syfyrit është e pëlqyer.

Profeti sal-lall-llahu alejhi ue sel-lem ka nxitur besimtarët që të hanë syfyr, dhe ka thënë se në ngrënjën e syfyrit ka bereqet:

تسحروا فإن في السحور بركة

"Hani syfyr, sepse në ngrënjën e syfyrit ka bereqet."

[Buhari dhe Muslimi]

Kuptimi "ka bereqet" – Ibn Haxheri jep dy interpretime:

- Ka shpërblim dhe sevap.
- Apo me kuptimin se ai (syfyri) e forcon njeriun, i jep gjallëri në agjërimin e tij dhe ia lehtëson vështirësinë.

Ibn Haxheri thotë:

*"Bereqeti është në shumë aspekte. Prej tyre: pasimi i sunnetit, kundërshtimi i ithtarëve të librit, forcimi për adhurim.. po ashtu është sebeb për dhikër dhe dua në kohën kur mendohet pranimi i duasë."*

[Fet'hul Bari]

Profeti sal-lall-llahu alejhi ue sel-lem thotë:

فَصَلُّ ما بين صيامنا و صيام أهل الكتاب أكلة السحور.

"Dallimi ndërmjet agjërimit tonë dhe agjërimit të ithtarëve të librit është ngrënja e syfyrit."

[Muslimi]

Kjo sepse nëse ata flinin, nuk iu lejohej më të hanin deri në perëndimin e diellit.

[MUHAMMED BIN ALIJ EL ETJUBI -- 557-20/556 البحر المحيط الثجاج]

Pra, ngrënja e syfyrit është e pëlqyer. Është ushqim dhe vakt i bereqetshëm.

Ti han dhe shijon, ndërkohë shpërblehesh për të. Mirësia e ngrënjës së syfyrit është e madhe dhe nuk duhet të neglizhohet.

## ■ MIRËSIA E NGRËNJES SË SYFYRIT ARRIHET QOFTË EDHE ME NGRËNJEN E NJË KAFSHATE, APO PIRJEN E NJË GLLËNKE UJI

Profeti sal-lall-llahu alejhi ue sel-lem thotë:

السحور أكلة بركة فلا تدعوه و لو ان يجزع أحدكم جُرعة من ماء، فإن الله و ملائكته يصلون على المتسحرين

"Ngrënja e syfyrit është ushqim i bereqetshëm. Mos e lini atë qoftë edhe me pirjen e një gllënke uji, sepse me të vërtetë All-llahu i lavdëron dhe i mëshiron ata që hanë syfyr, dhe melaiket luten për ata."

[Transmeton AHMEDI / Thotë Albani: hasen-- 3683 صحيح الجامع ]

Thotë SAN'ANI se EL IRAKI ka thënë:

*"Mirësia e syfyrit arrihet me ngrënjën e një kafshate."*

[Et-tenuir 7/485]

## ■ USHQIMI MË I MIRË QË HA BESIMTARI NË SYFYR

Profeti sal-lall-llahu alejhi ue sel-lem thotë:

نعم سحور المؤمن التمر

"Prej më të mirave ushqime që han besimtari në syfyr është hurma."

[Ebu Davudi / Albani thotë: Sahih -- Sahih Ebu Davud]

Thotë shejh Abdul Muhsin El Abbadi All-llahu e ruajt:

. وهذا يدل على أنّ التسحُّر بالتمر ممدوح؛ لأنّ (نعم) هذه من صيغ المدح، كما هو معلوم

*"Ky hadith tregon se ngrënja syfyr me hurma është e pëlqyer (e lavdëruar)."*

[Sherh Sunen Ebi Dawud 8/271]

## ■ AI I CILI ZGJOHET XHUNUB HA SYFYR DHE LAHET PASI TË HYE AGIMI (SABAHU)

Ai që zgjohet xhunub në kohën e syfyrit, i lejohet të hajë syfyr dhe të lahet pasi të hyje sabahu. Dmth: t'a vonoje larjen deri pas hyrjes së agimit (sabahut).

Thotë Bin Bazi për personin që bëhet xhunub në pjesën e fundit të natës:

*"Të haje syfyr, pastaj të lahet pas ezanit të sabahut. Nuk ka problem."*

Dhe argumentohet me hadithin e Aishes - radijall-llahu anha - te [Bukhari dhe Muslimi] e cila thotë:  
(Profeti sal-lall-llahu alejhi ue sel-lem u ngdhinte xhunub pastaj lahej dhe agjëronte)

Ky është edhe mendimi i shejkh Albanit, Ibn Utthejminit etj.

Disa mendojnë se duhet me u la pastaj me ngrënë syfyr, ashtu që të mos futesh në agjërime përveçse i larë.

Ky mendim nuk është i saktë.

**Të jesh i larë nga xhunublliku nuk është kusht i agjërimit, dhe as prej obligimeve të agjërimit.**

Vetëm se duhet të shpejtoje të lahet për të kapur namazin në xhami nëse është që e ka detyrë shkuarjen në xhami.

## ■ NGRËNJA SYFYR PASI KA DALUR KOHA DUKE MENDUAR SE JE BRENDA KOHE

Personi që ha dhe pi me mendimin se është akoma kohë syfyri, pastaj i bëhet e qartë se ka ngrënë, apo ka pirë pasi ka dalur koha e syfyrit, agjërimi i tij është i saktë, sepse ai nuk e ka bërë me qëllim, por nga mosdija.

[Albani, Bin Bazi, Uthejmini, Feuzani..]

Rregulli thotë: ***“Çdo gjë që e prish agjërimin, nëse e bën pa qëllim, pa dashje, apo nga harresa, apo mosdija, nuk t’a prish agjërimin.”***

[Albani, Bin Bazi, Ibn Uthejmini..]

Argument për këtë është fjala e Profetit sal-lall-llahu alejhi ue sel-lem:

من نسي و هو صائم فأكل و شرب فليتم صومه فإنما أطعمه الله و سقاه

"Ai që ha apo pi nga harresa, duke qenë agjërueshëm le t’a plotësoje (t’a vazhdoje) agjërimin e tij sepse atë e ka ushqyer All-llahu dhe i ka dhënë të pije."

[Buhariu dhe Muslimi]

Pra, çdo veprim i cili e prish agjërimin, nëse e bën nga harresa, ose mosdija rreth dispozitës së saj, apo e bën padashje (pa qëllim) nuk t’a prish agjërimin.

All-llahu e di më së miri.

Ai është më i Dijshmi.

-----

و الحمد لله رب العالمين

و صلى الله على نبيينا محمد وعلى آله و صحبه و سلم